

REGLUGERÐ

um skýrslugerð vegna sóttvarna.

I. KAFLI

Um skráningarskyldu.

1. gr.

Sóttvarnalæknir er ábyrgur fyrir því að haldin sé sjúkdómaskrá sem tekur til smitsjúkdóma, sjúkdómssvalda þeirra, sjúkdóma af völdum eitufna og geislavirkra efna, óvenjulegra og óvæntra atburða sem geta haft alvarlegar heilsufarslegar afleiðingar meðal þjóða heims, sýklalyfjanothunar og bólusetninga (ónæmisáðgerða), sbr. reglugerð um bólusetningar á Íslandi. Gæta skal fyllsta trúnaðar um allar einkalífssupplýsingar sem fram koma í smitsjúkdómaskrá og gilda um skrána sömu reglur og aðrar sjúkraskrár. Ýrústu varúðar skal gætt við meðferð, vörslu og sendingu upplýsinga um tilkynningarskylda sjúkdóma.

Til að halda skrá um sýklalyfjanothkun kallar sóttvarnalæknir eftir upplýsingum úr lyfjagagnagrunni landlæknis og frá sjúkrastofnunum. Þær upplýsingar mega ekki bera með sér önnur persónuauðkenni en aldur, kyn og búsetu samkvæmt pósthúnum þeirra sem lyfjunum hefur verið ávísað á, sérgrein læknis, sjúkrastofnun og deild þar sem sjúkrastofnun er deildaskipt. Upplýsingar um sýklalyfjanothkun skulu vera ópersónugreinanlegar. Forstöðumönnum heilbrigðisstofnana er skylt að senda sóttvarnalækni upplýsingar um magn sýklalyfja sem notað er á viðkomandi stofnun, skipt eftir deildum þar sem það á við.

Sóttvarnalæknir gefur nánari fyrirmæli um tilhögun skráningar og tilkynninga í smitsjúkdómaskrá og skrá um sýklalyfjanothkun, meðal annars um hvaða ráðstafanir skuli viðhafðar til að tryggja öryggi persónuupplýsinga varðandi tilkynningarskylda sjúkdóma.

2. gr.

Þeir sjúkdómar, sjúkdómssvaldar og atburðir sem sóttvarnalög fjalla um eru skráningarskyldir og geti þeir ógnað almannaheill eru þeir jafnframt tilkynningarskyldir.

Með skráningarskyldu er átt við skyldu til að senda sóttvarnalækni ópersónugreindar upplýsingar en með tilkynningarskyldu er átt við skyldu til að senda persónugreindar upplýsingar um sjúkdómstilvik.

3. gr.

Læknum er skylt að skrá upplýsingar um skráningar- og tilkynningarskylda sjúkdóma á þar til gerð eyðublöð eða með rafrænum hætti samkvæmt nánari fyrirmælum sóttvarnalæknis, sbr. 1. gr. Sama gildir um forstöðumenn rannsóknastofa, sjúkradeilda og annarra heilbrigðisstofnana. Skrá um smitsjúkdóma skal senda sóttvarnalækni mánaðarlega eða oftar ef hann telur þörf á því.

Læknum og hjúrunarfræðingum er skylt að skrá í sjúkraskrá samkvæmt nánari fyrirmælum sóttvarnalæknis, sbr. 1. gr., allar bólusetningar sem þeir framkvæma. Læknar tilkynna sóttvarnalækni um bólusetningar sem gerðar hafa verið.

II. KAFLI

Skráningarskyldir sjúkdómar.

4. gr.

Skráningarskyldir sjúkdómar eru:

- adenóveirusýking
- afbrigðilegar berklasýkingar
- barkakýlisbólga
- berkjubólga
- berkjulungnabólga
- bráður niðurgangur
- caliciveirusýking (nóróveirusýking)

clostridium difficile sýking
 efri loftvegasyking
 enteróveirusýking
 eyrnabólga
 flatlús
 hálsbólga
 heilabólga (encephalitis/meningoencephalitis)
 heilahimnubólga af völdum sýkla
 heilahimnubólga af óþekktum toga
 hlaupabóla
 höfuðlús
 inflúensa
 kláðamaur
 kynfæravörtur (condyloma genitalis)
 lungnabólga
 Lyme sjúkdómur (borreliosis)
 matareitrun af völdum sýkla eða eiturefna þeirra
 metapneumóveirusýking
 njálgur
 parainflúensa
 psittacosis
 ristill (herpes zoster)
 rótaveirusýking
 RS veirusýking
 skarlatssótt
 skútabólga
 speldisbólga (epiglottitis)
 sýkingar af völdum fjölonæmra sýkla
 þvagrásarbólga af óþekkttri orsök
 veirusýking, ótilgreind

III. KAFLI

Tilkynningarskyldir sjúkdómar, sjúkdómsvaldar þeirra og atburðir sem ógna heilsu manna.

5. gr.

Tilkynningarskyldir sjúkdómar eru:

aðgerðatengdar sýkingar í heilbrigðisþjónustunni
 alnæmi (AIDS)
 anisakíusýking
 bandormslirfusýki (cysticercosis)
 barnaveiki
 berklar
 blæðandi veiruhitasóttir
 bólusótt
 bótúlismi
 breiðvirkir betalaktamasamyndandi sýklar
 bráð sjúkdómseinkenni af völdum eiturefna og geislavirkra efna
 Córónaveirulungnabólga (SARS/heilkenni alvarlegrar bráðrar lungnabólgu - HABL)
 Creutzfeldt Jacob veiki og afbrigði hennar
 enteróhemórrhagísk E. coli sýking
 giardiíasyking
 gulusótt
 hettusótt

hérasótt (tularemia)
 HIV-sýking
 holdsveiki
 hundaæði
 huldusótt (Q-fever)
 inflúensa A sem valdið getur heimsfaraldri
 ífarandi hemophilus influenzae, sjúkdómur gerð b
 ífarandi meningókokkasjúkdómur
 ífarandi pneumókokkasýkingar í blóði, lið, beini og heilahimnu
 Jersínúsýking (Y. enterocolitica, Y. pseudotuberculosis)
 kampýlóbakttersýking
 kíghósti
 klamýdíusýking
 kólera og kólerulíkar sýkingar (vibriosis og líkir sýkingavaldar)
 launsporasýking (cryptosporidium sýking)
 legiónellusýking
 lekandi
 leptóspirusýking
 lifrabólga A
 lifrabólga B (bráð, viðvarandi)
 lifrabólga C
 lifrabólga vegna annarra veira
 listeríusýking
 lömunarveiki
 malaría
 metíclín ónæmur staphylococcus aureus (MÓSA)
 miltisbrandur
 mislingar
 óvæntir atburðir sem ógnað geta heilsu manna (óvænt aukning sjúkdómstilvika eða dauðsfalla)
 rauðir hundar (einnig meðfæddir)
 salmonellusýking
 sárasótt (einnig meðfædd eða nýburasýking)
 shígellusýking
 stífkrampi
 sullaveiki
 svartí dauði
 toxóplasmásýking
 taugaveiki/taugaveikibróðir
 trikínusýking
 vanómýcín ónæmir enterókokkar
 vesturnílarveirusótt
 öldusótt (brucellosis)

6. gr.

Tilkynningu um tilkynningarskyldan sjúkdóm, sjúkdómssvald eða óvænta atburði sem ógnað geta heilsu manna skal senda sóttvarnalækni án tafar eða samkvæmt nánari fyrirmælum hans. Sóttvarnalækni er heimilt að fela göngudeildum smitsjúkdóma og rannsóknarstofum, sbr. ákvæði reglugerðar um sóttvarnarráðstafanir, að halda skrá yfir tilkynningarskyld sjúkdómstilfelli og sjúkdómsvalda.

Á eyðublaði skal meðal annars koma fram:

1. Heiti sjúkdóms eða sjúkdómssvalds og greiningarnúmer samkvæmt alþjóðlegu sjúkdóma- og dánarmeinaskránni sem gildir hverju sinni.
2. Hvenær, hvernig og hvaða sjúkdómssgreining eða greining sjúkdómssvalds var staðfest.

3. Persónuauðkenni og kyn hins sýkta.
4. Í hvaða sóttvarnaumdæmi hinn sýkti býr, þ.e. dvalarstaður.
5. Nafn tilkynnanda, læknisnúmer, vinnustaður, undirskrift og dagsetning tilkynningar.

7. gr.

Bólusetningar eru tilkynningarskyldar, sbr. reglugerð um bólusetningar á Íslandi.

IV. KAFLI

Gildistaka.

8. gr.

Reglugerð þessi, sem sett er með stoð í 18. gr., sbr. 3. gr., sóttvarnalaga nr. 19/1997, öðlast þegar gildi. Jafnframt fellur úr gildi reglugerð nr. 420/2008.

Reglugerð þessi er sett með hliðsjón af ákvörðunum framkvæmdastjórnar nr. 2000/96/EB og 2009/312/EB.

Velferðarráðuneytinu, 23. febrúar 2012.

Guðbjartur Hannesson.

Margrét Björnsdóttir.